

Ragaalee Dhugummaa Ergamaa-kutaa 2

Description

2ffaa- Dhugummaa Ergamaa Rabbii (SAW) Eenyummaa, amalaa fi adeemsa isaatiin agarsiisu

Kutaa darbe keessatti ragaalee Ergamaan Rabbii dhugaa taâ€™uu itti agarsiisan ilaaluuf yaalle turre. Tuqaalee afur keessaa kan jalqaba ilaalleerra. Innis haqiqiqa ergaa inni fide itti xinxallu fi hubachuudha. Harâ€™a immoo eenyummaa, amalaa fi adeemsa isaa qorachuun inni dhugaan Ergamaa Rabbii akka taâ€™e dhugoomsun ni dandaâ€™ama. Eenyummaa Ergamtoota Rabbii osoo qoranne, amala fi adeemsa isaanitiin eenyullee isaaniin wal dorgomuu hin dandaâ€™u. Amalli isaanii guutuu fi adeemsi isaanii karaa sirrii irra kan taâ€™eedha. Sababni isaas, Rabbiin dogongoraa fi badii hojjachuu irraa isaan eegee jira. Ergamtootan ala haala nama kamiyyu yoo qoranne hanqinni wayi isa biratti ni mulâ€™ata. Hanga fedhe nama amala gaarii qabu, gamnaa fi sadarka olâ€™aanaa irra jiru haa taâ€™u, cinaa tokkoon dogongorri wayii irraa hin dhabamu.

Kanaafu, amala namumaa guutuu kan qaban ergamtoota Rabbii akka taâ€™an erga hubanne booda ergaan isaan fidan dhugaa akka taâ€™e ifa nuuf taâ€™a. Amalli isaanii fiixe amaloota gaarii kan tuqee fi fiixe kana irra ergamtoota malee eenyullee kan hin baanedha. Seenaa irraa amala Nabii Muhammad (SAW) namoonni ragaa bahan baayâ€™eedha. Inumaa diinonni isaa â€œMuhammadul amiin (Muhammadi amanamaa)â€• jechuun waamaa turan. Amaanaa namaa irratti amanamaa kan taâ€™e, amaanaa Rabbii isaa irratti akkamitti amanamaa hin taanee ree? Nabii Muhammad (SAW) ergamaa dhugaa taâ€™uu isaa mee seenaa irraa muraasa haa ilaallu:

1-Ibn Abbas Abu Sufyaan irraa akka gabaasetti: Abu Sufyaan yeroo Shaam keessa ture Mootin Roomaa Hiraql jedhamu waaâ€™ee Nabii Muhammad (SAW) ilaachise isa gaafate. Yeroo san Abu Sufyaan Mushrikoota Qureeshotaa irraayyi. Daldalaaf gara Shaam deeme. Gabaabsuuf jecha gaafif deebii isaanii haala kanaan haa dhiyeessinu. (Yeroo sanitti biyyoondi akka Libaanon, Sooriya fi Filisxeem â€œShaamâ€• jedhamu)

Hiraql (Heraclues)

Isiin keessatti sanyiin isaaakkami?

Isin keessaa isa dura jecha kana namni jedhe jiraa? (Isa dura â€œAni Nabiyyiidhaâ€• namni jedhe jiraa?)

Abbooti isaa irraa namni mootii taâ€™e jiraa?

Warroota sadarka guddaa qaban moo dadhaboo (hiyyeessota) taâ€™antu isa hordofaa?

[Guyyaa guyyaan lakkofsan] ni dabalu moo ni hirâ€™atu?

Isaan keessaa erga amanti isaatti seenee booda amanti kanatti gammachuu dhabuun kan duubatti deebiâ€™e jiraa?

Abu Sufiyaan

Inni nu keessaa sanyii kabajamtu irraayyi

Lakki

Lakki

Warroota dadhaboo (hiyyeessa) taâ€™aniidha.

Ni dabalu

Lakki

Wanta jedhu jechuun dura sobaan ni yakkitu? (kana jechuun ani nabiyyidha jechuun dura isaa sobu argitanii beektu?)	Lakki
Waadaa diigee beekaa?	Lakki
Isa waliin wal waraantanii beektu?	Eeyyen
Isaan yommuu wal loltan dhumti waraanaa akkam turee?	Yeroo garii nuti mooâ€™ata yeroo garii immoo isatu mooâ€™ata

Hiraql: Maal akka hojjattan isin ajaja?

Abu Suffyaan: â€œRabbiin qofa gabbaraa, homaa Isatti hin qindeessinaa; wanta abbootin keessan jedhan dhiisaa.â€ Jedha. Salaatatti, dhugaa dubbachuutti, iffah (qulqullummaa ofii eegu) fi hariiroo firummaa sufuutti nu ajaja.

Hiraql: Waaâ€™ee sanyii isaa ilaachise si gaafadhe, atis sanyii kabajamtu irraa akka taâ€™e dubbatte. Haaluma kanaan Ergamtooni ummata isaanii keessaa sanyii kabajamtu irraa ergamu. Isa dura namni jecha kana dubbate ni jira jedhee si gaafadhe. Ati lakki jette. Isin keessaa isa dura jecha inni jedhe namni biraa osoo jedhee, â€œKuni namticha jecha isa dura jedhame kan hordofuudha.â€ Nan jedhaa ture. Abbooti isaa irraa mootin jiraa jechuun si gaafadhe. Atis lakki jette. â€œAbbooti isaa keessaa namni mootii taâ€™e osoo jiraate, sila kuni namticha mootummaa abbooti isaa barbaadudha.â€ Nan jedhaa ture. Wanta jedhu jechuun dura (Kana jechuun ani nabiyyidha jechuun dura) sobaan isa yakkitanii beektu jechuun si gaafadhe. Atis lakki jette. Dhugumatti inni namoota irratti sobuu dhiisee Rabbiin irratti kan sobu akka hin taane ani beekee jira. (Kana jechuun namoota irratti soba kan hin dubbanne, Rabbiin irrattis soba hin dubbatu). Namoota sadarka guddaa qaban moo namoota dadhabootu isa hordofa jechuun si gaafadhe. Atis namoota dadhabootu isa hordofa jette. Isaan (namoonni dadhaboon ykn hiyeessonni) warroota Ergamtoota hordofaniidha. Ni dabalan moo ni hirâ€™atan jechuun si gaafadhe. Ati ni dabalan jette. Haaluma kanaan dhimmi iimaana hanga guuttamu [ni dabala]. Amanti isaa keessa namni erga seenee booda itti gammaduu dhiisun namni duubatti deebiâ€™e ni jiraa jechuun si gaafadhe. Atis lakki jette. Haaluma kanaan, iimaanni yommuu miâ€™aan isaa qalbiin walitti makamu [namni duubatti deebiâ€™u hin jiru]. Waadaa ni diigaa jechuun si gaafadhe. Atis lakki jette. Haaluma kanaan, Ergamtooni waadaa hin diigan. Maalitti akka isin ajaju si gaafadhe. Rabbiin qofa akka gabbartan, homaa akka Isatti hin qindeessine. Taabota gabbaruu irraa akka isin dhoowwu, salaata, dhugaa dubbachuu fi qulqullummaa eegutti akka isin ajaju ni dubbatte. Wantoonni ati jette dhugaa yoo taâ€™e, bakka luka lamaan kiyyaa kana ni tooâ€™ata. Akka bahu duraan nan beekaa ture. Garuu isin keessaa taâ€™a jedhee hin yaanne. Osoo isa kan dhaqqabu taâ€™ee, silaa isa qunnamuuf nan ariifadhaa ture. Osoo isa waliin taâ€™ee silaa luka isaa nan dhiqaa tureâ€ [Sahih Al-Bukhaari 7](#)

2-Al-Alaaâ€™a bin Hadaramiyyi Amiira Bahreyn kan ture Munzir bin Shaawaa yommuu Islaamatti waamuakkana jedheen: Yaa Munzir! Ati addunyaa keessatti abbaa sammuu guddaati. Namoota biros gadii miti. Majuusan tunniin amantiin isaanii badaadha. Arabni amantii kanaan kan itti kabajamtu miti. Beekumsa abbooti kitaabas hin qaban. Wal qunnamu irraa wanta nama qaanessun wal-qunnamu. Nyaachu irraa wanta fagaachu qaban isaan ni nyaatu. Guyyaa Qiyaamaa ibidda issaan nyaattu gabbaru (waaqefatu). Ati nama ilaalcha fi aqlii dhabee miti. Mee ilaali: Nama gonkumaa addunyaa keessatti hin sobne isa dhugoomsu diduun sirriidhaa? Nama gonkumaa hin ganne, isa amanuu dhiisun sirriidhaa? Nama gonkumaa waadaa hin diigne amanamummaa isarra gochuu dhiisun sirriidhaa? Kuni Nabiyii hin dubbisnee fi hin barreessine kan namni sammuu qabuakkana jechuun hin dandeenyedha: **wanta inni itti**

ajaju osoo irraa dhoowwe jiraate maal qaba! Yookiin wanta irraa dhoowwe osoo itti ajajee jiraate maal qaba! Yookiin irra namaaf darbuu osoo dabalee ykn adabbii isaa osoo hirâ€™issee maal qaba! (Fakkenyaf, Ergamaan Rabbii (SAW) waan gaarii hundatti ni ajaju, waan badaa hunda irraa ni dhoowwu. Namni sammuu qabu â€œWaan gaarii itti ajaju kana osoo irraa dhoowwe ykn waan badaa irraa dhoowwu kana osoo itti ajajee.â€ hin jedhu.) Kanaafu, kuni hundi fedhii warra sammuu qabanii fi warroota xinxallaniin walitti kan galuudha.â€

Al-Alaaâ€™a bin Hadaramiyyi Ergamaan Rabbii dhugaa taâ€™uu karaa lamaan ragaa erga itti argisiise booda Munzir Islaamummaa ni fudhate:

1ffaa- Fakkeenyan Eenyummaa Ergamaa Rabbii (SAW)

2ffaa- guutummaa ergaa inni namoota itti waamu.

3-Yeroo jalqabaatif Ergamaa Rabbii (SAW) irratti wahyiin (beeksisin) goda Hiraa osoo jiru ni buâ€™e. Wahyiin buâ€™uu waliin nafsee isaa irratti ulfaatinni itti dhagahame. Osoo qalbii isaa dhikkistuu fi hollattu gara Khadijaa deebiâ€™uunakkana jedhe, â€œNa haguuga, na haguugaa!â€ Hanga sodaan irraa deemu ni haguugan. Ergasii Ergamaan Rabbii (SAW) Khadijaan ni jedhe, â€œYaa Khadijaa! Rakkoon kiyya maalii? Lubbuu tiyya irratti sodaadhe.â€ Wanta malaayka waliin taâ€™e ishitti hime. Khadijaanis ni jette, â€œDhoorgami! Abshir (gammadi), Rabbiin kakadhe! Rabbiin gonkumaa si hin salphisu. Rabbiin kakadhe! Ati dhugumatti, hariiro firummaa sufta (eegda), dhugaa dubbatta, hiyyeessaa fi rakkataa gargaarta, keessumma kabajaa fi arjaan keessumeessita, warra balaan itti buâ€™e gargaarta.â€ [Sahih Al-Bukhaari:3](#)

Khadijaan (Rabbitin ishii irraa haa jaallatu) amala guutuu isarria beekun Rabbiin akka isa hin salphisne ni ibsite. Kanaafi, Rabbitin (Subhaanahu wa taâ€™aalaa) yeroo nabiyyi ergaa namootatti akka geessu ajaju, namni jalqaba isatti amane Khadija turte. Guutummaan amala isaa dhugummaa (sidq) isaa ragaa agarsiisudha.


4-Yeroo Ergamaan Rabbii (SAW) Abu Bakr siddiqin (Rabbitin isarria haa jaallattu) gara Islaamatti waamu, Abu Bakr eenyummaa nabiyyi duraan kan beekun ala ragaa biraa dhugummaa ergamaa Rabbii agarsiisu hin barbaanne. Kana jechuun Abu Bakr Nabii Muhammad (SAW) eenyummaa isaa maal akka taâ€™e fi amala guutuu isaa duraan siritti beeka. Yeroo Nabiyyin gara Islaamatti isa waamu, Islaama fuudhachu irraa duubatti hin harkifanne, amala nabiyyi duraan waan beekuf. Nabiyyiin ummata isaa keessatti nama dhugaa dubbatu, amanamaa, qulqullummaa ofii kan eegu fi amala guddaa kan qabu ture. Kanaafi, Abu Bakr dhirota keessaa nama jalqabaa isatti amane fi waamicha isaa fudhateedha.

Guduunfaa

âž Namni tokko seenaa irra eenyummaa, amala fi adeemsa Ergamaa Rabbii (SAW) qorachuun salphatti itti amanuu ni dandaâ€™a. Kana gochuuf tooftaa lama fayyadamuu dandaâ€™a.

âž Miidhaginna ergaa Nabiyyiin ilmaan nama itti waamu fi

âž Amala guutuu fi adeemsa Nabiyyi. Rabbitin subhaanahu wa taâ€™aalaaakkana jechuun Nabiyyi faarsa:



â€œDhugumatti, Ati amala guddaa irra jirta.â€ Suuratu al-Qalam 68:4

Kitaabban wabii:

al-aqiidatul Islaamiyyatu wa usuusuhaa By Abdurahmaan Hasan Madiniyyi, fuula 289-291

Date Created

October 17, 2018

Author

admin